

重刊道藏輯要

天下名山記

新安吳秋士西邨選

汪立名西亭校訂

廣東

游西樵山記

湛若水

弘治己未秋予與張博之鄧順之趙景鳳約游西樵而五羊李  
子長者聞之偕李天秩先候予鄧氏未及面賦詩而去比予至  
鄧氏而諸與約者皆無在矣獨與鄧誠之順之鴻張三君者乘  
月泛舟而西及旦抵山麓遂同三君由斜徑扳躋而上登絕巖  
履崇厓如乘雲步空中下視可悸又扶向上而過所謂翳門關

道藏輯要

天下名山記  
廣東游西樵山

一  
軫集六

者關之內有泉淝然流石上泉夾兩山之間山迴泉折注為石  
潭潭之深淵若不可測相傳嘗有好事者墜綫下之莫知其底  
云逾潭之西又行數十步得瀑布泉飛流映空以為絕觀又却  
行西北轉數百步過山家數處有泉石泠泠觸目皆可念又前  
則呀然而谷豁然而洞居人或散或聚咸植鋤來觀臕臕若有  
驚駭者將夕遂止於寶峰寺宿焉明日又觀所謂錦巖者其中  
惡濁曖昧不可入遂觀小巖有泉由巖端飛灑而下穿林而東  
行二里一谷焉中虛而旁圍有三泉遶其側二十二峰倚其後  
予歎曰此卜居之勝處也徜徉不能去者久之憶予自少時已  
聞羅浮西樵之勝而談羅浮者多奇偉怪誕之稱令人緬思其

境如在天上而西樵獨無與焉丙辰春予與嘉魚李世卿游羅浮登飛雲而縱觀夫所謂黃龍朱明之勝亦奇矣而西樵之景殆或倍之又况予之所得於西樵者十未能一二也耶吾以是知天下之山水勝者不必名名者不必勝也惟吾耳目之所得精神之所通而未始有窮焉由是以往殆將與夫造物者游於無極則夫天地之間高深下上之妙莫非吾之所有而與之相爲無窮也又豈但如西樵而已耶

道藏輯要

天下名山記  
廣東游西樵港

二  
軫集六